

T2720.2/2915(3)

3

Harvard College Library Imaging Services <http://imaging.harvard.edu>

CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/54	55/39/33	40/9/43	42/57/29	82/4/79	51/50/13	50/28/29					
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/43	52/48/17	31/21/-21	72/-23/57	73/19/68						



皇朝文獻通考卷之...

禮考...

禮考...

禮考...

禮考...

禮考...

禮考...

禮考...

禮考...



JAN 20 1940

重鑄朱青巖先生擬編明紀輯畧卷二

哈佛大學哈佛葉宗圖書館珍藏印

明紀

建文帝

諱允炆懿文太子之子太祖孫也在位四年出亡正統五年迎入西內卒葬西山○文皇繼統悉改建文年號稱洪武三十二等年至萬曆間始復

己卯建文元年春正月大祀天地於南郊奉太祖高

皇帝配遣使告卽位於天下神祇○修高皇帝實錄

以禮部侍郎兼翰林院學士董倫王景彰充總裁官

太常寺少卿廖昇翰林院侍講高奘志待詔方孝孺

充副總裁官國子博士王紳漢中府學教授胡子昭

知縣葉惠仲齊府審理副楊士奇訓導羅恢長官司



吏目程本立等充纂修官

按廖昇襄陽人以學行知名有史才北兵至龍潭自

經死○胡子昭字仲常一名子韶大定人歷官刑部

左侍郎文皇即位被殺○葉惠仲陵海人與兄彝仲

齊名時稱二葉永樂初以逆黨論死○程本立字道

原杭州人歷周秦晉三府長史諱馬龍它郎甸吏日

尋入翰林試左僉都御史改江西按察司二月燕王

副使未至官聞變自縊死所著有異隱集

入覲登陛不拜監察御史曾鳳韶劾王不敬上曰至

親勿問鳳韶廬陵人洪武末年進士靖難後文皇

部侍郎卓茂密奏曰燕王智慮過人酷類先帝夫北

平者疆幹之地金元所由興也宜徙封南昌以絕禍

本夫萌而未動者幾也量時而為者勢也勢非至勁

莫能斷幾非至明莫能察上覽奏大驚語敬曰燕王

骨肉至親卿何得及此對曰楊廣隋文非父子邪上

默然文皇即位謂姚廣孝曰諸姦臣必欲害朕惟卓

敬諫遂封內地若聽其言則干戈息矣廣孝曰

不然南昌地居下流金陵加兵特探囊取物耳誠用

敬言陛下豈有今日於是文皇誅敬彛其三族文皇

嘗歎曰國家養士三十年惟得一卓敬後劉球傳其

事私謚曰忠貞立朝慷慨英偉美丰姿善談論凡大

文地理律曆兵刑無不窮究詩文峭

拔磊落所著有集五十卷行於世

尊皇考懿文太子為興宗孝康皇帝皇妣常氏為孝

康皇后立妃馬氏為皇后封弟允繩為吳王允燿為

惟得  
卓敬

衡王允燿為徐王立子文奎為皇太子

父謚懿文上

文奎時人謂此儒生常稱不類天子氣象及改建文

年號燕王聞之訝曰何乃重複至此使臣民徧呼年

與諱同無乃不祥乎進封江都郡主為公主儀賓耿



璿為駙馬都尉掌前府事璿長與侯耿兩文之十尚懿文長女文皇即位璿稱疾不出竟坐罪死公主亦卒○更定官制○三月燕王還國先是

上囑黃子澄齊泰謀削親藩泰曰燕握重兵宜先削之子澄曰不如先取周剪燕之手足至是燕王留京

月餘而去○上以都督耿獻掌北平都使司事都御

史景濤署北平布政司參議事耿獻長與侯耿兩文長子革命日論死○

景濤即景倩真寧人洪武二十七年進士本姓耿革命日諸臣多死而倩獨委蛇侍朝人皆疑之一日緋

衣入朝會司星者奏文曲犯帝座甚急文皇疑倩又見倩獨緋衣遂收之得所帶利刃詰之倩曰我忍不

死為此不成天也毒罵不已抉其齒喫血御衣文皇大怒命以鐵帚刷其肉肉盡罵已日後精靈迭見時

入殿廷為厲命族景氏籍其姻黨命都督宋忠率兵轉輾攀染謂之瓜蔓抄村里為墟

三萬選燕府護衛精銳悉隸麾下屯開平都督耿獻

練兵於山海關徐凱練兵於臨清密勅張昂謝貴嚴

為之備又名燕番騎指揮關童等入京師按朝命獻情之囑燕

也文皇宴二人及三司官令袁忠徹執酒相之宴畢白王曰宋忠面方五大身短氣淺張昂面方五小行

步如蛇謝貴早肥氣短景倩身矮聲雄耿獻額骨插髮色如飛火皆不得善終

夏四月太祖小祥燕王遣世子高熾及其弟高煦高

燧入臨或言不宜偕往王曰往哉令朝廷勿疑也及

至京齊泰請畱之黃子澄不可世子兄弟皆魏國公

徐輝祖之甥輝祖密奏曰三甥中獨高煦勇悍無賴

非為叛君將叛父他日必為大患上以問輝祖弟增

文曲犯帝座  
內盡罵已



壽及駙馬王寧皆力保無他乃悉遣還高煦陰入輝

祖廐中取其良馬馳去世子既還國文皇喜曰父子

復聚天贊我也其後靖難兵起高煦宣力為多上每不用輝祖之言○遣御史

暴昭等巡行天下問民疾苦昭採訪燕王情事密奏

以聞請為之備○京師地震求直言御史尹昌隆上

言姦臣專政請見於天執政惡之出知寧海縣上曰

求直言不當以直棄之命復原官昌隆太和人燕其南下昌隆上疏曰

今日事勢已去而北來章奏言周公輔成王不若罷兵息戰許其入朝彼既欲申大義於天下不應使自

違戾設有錯跌便須讓位不失守藩若沉吟不覺恐禍至無日進退失據雖求為丹徒布衣不可得矣疏

上不報革命日昌隆名列姦黨驅出就戮乃當陛大呼曰有奏牘在可覆按也發得之文皇曰火燒頭早

姦臣專政

便須讓位

求為丹徒布衣

不可得

從此言南北生靈受禍不若是際乃貸昌隆

以為北平按察司知事後為呂震所誣而死璘按昌隆應詔陳言曰姦臣專政此指議制諸王之

璘按昌隆應詔陳言曰姦臣專政此指議制諸王之

璘按昌隆應詔陳言曰姦臣專政此指議制諸王之

五月廢岷王榘為庶人又以湘王栢造偽鈔及擅殺

人遣兵迫執之湘王曰吾聞前代大臣下吏多自引

決身是高皇帝之子南面為王豈能辱僕隸手求生

活乎盡焚其宮室美人已而乘馬執弓躍入火中死

又名齊王榑至京廢為庶人拘繫之幽代王桂於大

同廢為庶人

六月逮燕府官校于諒周鐸等至京皆殺之燕王佯



狂走呼市中，語言妄亂，或卧土壤，彌日不甦。盛夏圍  
 爐作顛宮中，扶杖而行。長史葛誠密告張曷，謝貴曰：  
 王本無恙，公等勿懈。齊泰又發符遣使逮燕府官屬，  
 密令曷貴圖燕使約長史葛誠指揮盧振為內應。又  
 以北平都指揮張信為燕王舊所信任，密勅之使執  
 燕王信，受命憂疑。母問之以告，母驚曰：不可。汝父嘗  
 言王氣在燕分，王者不死，非汝所能執也。不如轉禍  
 為福。信因請見王曰：殿下果有事，當以告臣。王陽為  
 感風不能言。信曰：王果無意乎？臣奉密勅在此，當就  
 執。王始告之，且曰：生我一家者，子也。乃召道衍謀事。

王氣在燕分  
 轉禍為福

時謝貴等集兵布陣圍王城，又以木柵斷端禮門。張  
 昺約盧振內應，一面飛章奏聞。有布政司吏柰亨按  
 察司吏李友直竊其疏草示燕王，因畱匿邸中。王命  
 指揮張玉朱能率壯士八百人入衛。  
 秋七月，燕靖難兵起，時朝廷削燕王爵，并逮官屬。詔  
 至謝貴、張曷圍府第，索所逮官屬飛矢入府中。朱能  
 曰：先擒貴、曷，餘無能為矣。王曰：不如以計取之。今姦  
 臣遣使來逮官屬，令來使召貴、曷，付所逮者。貴、曷必  
 來，來則成擒耳。於是王稱疾愈，御東殿，集官僚。貴、曷  
 果至，王曳杖而坐，賜宴行酒，出新瓜數盤，曰：與卿等



嘗之王自進瓜一片。忽怒且詈曰：今編戶齊民，兄弟宗族尚相恤，身為天子親屬，不能保旦夕之命，遂擲瓜於地。衛士前擒貴，梟碎葛，誠下殿投杖而起曰：我何病？為爾輩姦臣所偪耳。命曳出，皆斬之。圍王城將卒，皆潰散。都指揮彭二聞變，率兵入端禮門，亦被殺。都指揮使余瑱走居庸關，馬宣走薊州，宋忠退保懷來。王乃下令安集軍民，去建文年號，仍稱洪武三十二年。自署官屬以張玉、朱能、丘福為都指揮，僉事拔戍卒金忠為燕府紀善。忠，浙江鄞縣人，與相士袁琪同縣，忠當戍趙州，不樂行，其見之曰：此尚書骨法，當大貴。登舟，即順境矣。忠精於卜，至燕邸，召入以將起義，命卜之，大吉。遂署紀善待

帷幄用其謀策，官至兵部尚書。

王乃誓師曰：予太祖高皇帝之子，今

為姦臣謀害，祖訓云：朝無正臣，內有姦惡，必舉兵誅討，以清君側。用率爾將士南下，罪人既得，則法周公輔成王，爾等其體予心，毋違命。○燕王上書請誅齊泰、黃子澄，書曰：皇考太祖高皇帝艱難百戰定天下，成帝業，封建諸子，鞏固宗社，不幸皇考賓天，陛下嗣承大寶，而姦臣齊泰、黃子澄輩包蓄禍心，恣讒奮毒，假陛下之威權，剪皇家之支葉，櫛耨栢桂，梗五弟不數日間，並見剗奪，轉徙流離，行路矜惻，栢尤可憫，闔室自焚，心尚未足，又以加臣。臣守藩於燕二十餘年，

燕王上書



明紀 卷三  
寅畏小心奉法循分陛下嗣統以來臣事君之誠明  
於皎日誠以君臣大分骨肉至親恒思加慎爲諸王  
先而姦臣跋扈蔽陛下之聰明誣直爲枉加禍無辜  
執臣奏事人箠楚刺蒸備極苦毒六月燕王使百戶  
鄧庸詣闕奏事齊  
秦執而迫言臣謀不軌遂分布宋忠謝貴張昂等於  
訊之北平城內外甲馬馳突鉦鼓喧訇圍守臣府周匝嚴  
密小大凜凜如臨湯火已而護衛人執貴昂始詢知  
姦臣欺詐之謀竊念臣於懿文皇太子同父母兄弟  
也今事陛下如事天也姦臣之心不止害臣譬伐大  
樹先剪附枝親藩旣滅朝廷孤立姦臣得志社稷危

矣伏望陛下廓日月之明奮雷霆之斷渙發德音去  
此凶慝以肅清朝廷以永安宗社以保全親藩遙仰  
天門敬攄愚懇惟陛下念之臣又竊計姦臣之黨必  
已蟠結溪固伏覩祖訓有云如朝無正臣內有姦惡  
則親王訓兵待命天子密詔諸王統領鎮兵討平之  
臣謹俯伏俟命書奏詔削燕王屬籍○是月甲戌燕  
王以郭資守北平出師至通州指揮房勝以城降師  
至薊州執都指揮馬宣宣不屈死之指揮毛遂以城  
降師至遵化四鼓登城開門而入城中始覺遵化衛  
指揮蔣玉密雲衛指揮鄭亨皆以城降師至居庸守



將余瑱棄關走懷來依宋忠燕王率馬步精銳八千人卷甲倍道而進宋忠倉皇列陣王麾兵渡河殺其都指揮孫泰獲宋忠余瑱不屈皆死之遂克懷來獲馬八千餘匹於是山後諸州皆不守而開平龍門上谷雲中皆降附師至永平指揮使趙彝郭亮降時朝廷日與方孝孺討論周官法度以北平為不足慮黃子澄曰不早禦之恐河北遂失也

八月命長興侯耿炳文佩大將軍印駙馬都尉李堅都督甯忠為左右副將軍統安陸侯吳傑江陰侯吳高都指揮盛庸潘忠楊松顧成徐凱李文陳輝平安

等步騎號百萬數道並進直搗北平赦程濟出獄以為翰林院編修充軍師護諸將北行檄山東河南山西三省給軍餉上諭諸將士曰昔蕭繹舉兵入京令其下曰一門之內自極兵威不祥之極今爾將士與

燕王對壘務體此意毋使朕有殺叔父之名耿炳文濠人守

遼東稱老將至是北征敗績名還仍食故封永樂初陳瑛迎合上意劾之暴卒國除○李堅武涉人尚大祖第七女大名公主有才勇北征與燕將丘福戰互有勝負封灤城侯給券已而中槩被擒械送北平道卒子莊嗣永樂初國除○吳傑接真定失律論南寧衛指揮○吳高攻永平被燕反間削爵○盛庸北征有功封歷城侯充平燕將軍殺張玉譚淵建文四年浦口戰敗降燕鎮守山東永樂元年致仕陳瑛劾庸怨望下獄死○徐凱合肥人兵潰滄州被執遣至北平復其官暴卒○甯忠後死難○平安滁州人北征



有功進副總兵安有力善戰靈壁之敗被執以爲都督僉事永樂七年文皇忽問平安乃尚無恙家自經而死○程濟朝邑人德州之捷諸將立碑敘功濟一夜往祭碑人莫測其意後文皇見碑大怒命推之遽止曰爲我錄文來因按姓名行誅濟姓名獨當推缺處得免建文出亡濟從行遇險輒用術脫去數十年後從至南京置平燕布政使司於真定命刑部侍郎

暴昭掌司事○是月巳酉耿炳文等率兵三十萬駐真定徐凱率兵十萬駐河間潘忠駐莫州楊松率先鋒九千人據雄縣約忠爲應燕將張玉覘炳文營還報王曰軍無紀律其上有敗氣無能爲也潘忠楊松扼吾南路宜先擒之王乃躬環甲冑率師至涿州王子屯於婁桑晡時渡白溝河謂諸將曰今夕中秋彼

不備飲酒爲樂此可破也夜半至雄縣緣城而上松與麾下九千人皆戰死獲馬八千餘匹燕王度潘忠未知城破必來援因設伏以待忠至被擒餘衆多死

燕師趨真定炳文部將張保來降言炳文兵三十萬先至者十三萬分屯滹沱河南北王厚撫保遣歸令詐言兵敗被執幸守者懈得脫竊馬歸又令言楊松潘忠敗狀燕師旦夕且至諸將曰今由間道可掩其不備奈何遣保告之王曰始不知虛實欲掩襲之今知其半營河南半營河北則當使知我至南岸之兵必移北岸一舉可盡殲之兼使知楊潘之敗以奪其



氣兵法所謂先聲後實也。若徑薄城下，北岸雖勝，南岸之衆乘我之疲，鼓行渡河，是我以勞師當彼逸力也。壬戌，燕王率三騎先至真定東門，突入運糧車中，擒二人，訊狀南岸營。果北移，王率輕騎數十繞出城西南，破其二營。炳文出城迎戰，張玉譚淵馬雲朱能等奮擊，王以奇兵出其背，橫貫南陣，炳文大敗，奔入城。朱能與敢死士三十餘騎追奔至滹沱河，炳文餘衆尚數萬，復列陣向能，能大呼陷陣，所向披靡。南軍自相蹂躪，死者無算，棄甲降者三千餘人。騎士薛祿引槊中李堅墜馬，獲之。甯忠彥成及都指揮劉燧皆

令顧成  
輔世子  
居守

被執，燕王送堅至北平道卒，謂成先朝舊人，解其縛，與語泣下，成亦泣，遂遣人護送北平，令輔世子居守。燕兵圍真定三日不下，乃解圍。吳傑率師來援，兵潰而遁。王還北平，上聞炳文敗，怒曰：「老將也，而摧鋒柰何？」黃子澄曰：「勝負兵家常事，無足慮。調兵十五萬四面攻之，衆寡不敵，必成擒矣。」上問孰堪將者，子澄曰：「李景隆文武全才也，向不遣炳文而用景隆，燕破矣。上然之，乃以景隆代將，親餞之於江滸，賜犀玉帶斧鉞，而召炳文還京。九月，召遼王植徙荊州，召寧王權不至，制其護衛。」

齊泰等慮兩王  
通燕故有是舉  
○監察御史康郁上  
明紀  
卷三  
明建文帝紀



言方今諸王親則太祖之遺體也貴則孝康之手足也尊則陛下之叔父也周王父子流離播遷湘王自焚代王被廢而齊臣又告王反矣此皆殘酷豎儒執一己之偏見廢天下之大公辱亡齒寒誰不自危及燕舉兵迄今兩月調兵五十餘萬而一夫不獲謂之國有謀臣可乎伏願釋齊王之囚封湘王之墓還周王於京師迎楚蜀爲周公俾其各命世子持書勸燕以罷干戈天下幸甚不聽○谷王德自宣府遁歸京師長史劉璟獻策不報宋忠敗谷王長史劉璟隨王李景隆軍事不見聽信璟還養疾革命日下詔獄自經死璟初嘗至燕文皇與之奕璟勝文皇曰何不

不可讓處不敢讓我璟曰可讓處璟不敢不讓不讓處璟不敢讓處璟不敢讓也璟劉基之了

江陰侯吳高及都指揮耿獻揚文率遼兵圍永平○李景隆乘傳至德州調集各路軍馬營於河間燕王聞之呼景隆小字曰李九江膏梁豎子耳寡謀而驕色厲而餒未嘗習兵見陣輒予以五十萬眾是白旂之也然吾在此彼不敢至今往援永平彼知我出必來攻城回師擊之堅城在前大軍在後必成擒矣諸將曰北平兵少奈何王曰城中之眾以戰則不足以守則有餘兵出在外奇變隨用吾非專爲永平直欲誘九江來就擒耳吳高怯不能戰聞我來必走是我



一舉解永平圍。且破九江也。遂行。惟誠世子堅守毋戰。王至永平。吳高退保山海關。燕師追之。斬首數千級。燕王曰：高雖怯，行事差密，楊文勇而無謀。去高，文不足慮也。乃貽二人書，盛譽高而詆文。朝廷聞之，削吳高爵，徙之廣西。獨命楊文守遼東。

冬十月，燕兵趨大寧。王單騎入城，會寧王。執手大慟，言北平旦夕且破，非吾弟表奏，吾死矣。寧王為草表謝，請赦居數日。情好甚恰，諸親密吏士稍稍得入城。遂命陰結三衛渠長及間左思歸士，皆喜。定約。燕王辭去。寧王出餞郊外，伏兵起，執寧王。諸騎士卒一呼

皆集，遂擁寧王入關。燕兵益盛，於是寧府妃妾世子皆攜其寶貨隨寧王至北平。長史石撰死之。景隆聞

燕兵攻大寧，進師蘆溝橋。喜曰：不守此橋，吾知其無

能為矣。

初，燕軍援永平，諸將請守蘆溝橋。王曰：方欲使九江困於堅城之下，奈何拒之。

遂薄

城下，攻麗正門。城中婦女並乘城擲瓦礫。景隆令不嚴，驟退。城守益堅。世子選勇士，夜縋城，砍營。南軍擾亂，退營十里。惟都督翟能驍勇，與二子率精騎千餘，殺入張掖門，銳不可當。後不繼，乃勒兵以待。景隆忌能成功，使人止之，曰：候大軍至，俱進城中。連夜汲水灌城。天寒，冰結，明日不得登。



十一月景隆移營河西日夜戒嚴士卒植戟立雪中凍死及墮指者甚衆燕王諜知之曰違犯天時自斃其衆吾不勞而勝矣燕軍還至孤山列陣於北河西擊敗前哨都督陳暉連破七營張玉等列陣而進至城下城中亦出兵景隆不能支遁還德州諸軍悉南奔景隆既敗子澄曰聞交戰數勝但天寒士卒不堪今利果何如子澄曰聞交戰數勝但天寒士卒不堪今暫回德州待來春更進子澄遂遣人密語景隆隱其敗勿奏燕王再上書曰臣叨奉宗藩見惡權姦橫加大逆上書自陳未蒙垂察累發大兵討賊不已竊

燕王再  
上書

聞朝廷論臣有不軌之事入謹陳其詳惟陛下垂察其一謂臣護衛踰額祖訓職掌條王府官軍不拘數目各王府皆然此姦臣枉臣一也其二謂臣不當無事操練軍馬祖訓兵衛條王教練軍士遍數不拘此姦臣枉臣二也其三謂臣不當於各衛選用官軍祖訓軍職條王府武官千戶百戶從王於所部軍職內選用開奏直謁御前頒降告勅此姦臣枉臣三也其四謂臣私養韃靼健卒本洪武中歸附處於北平皇考命歲給衣糧備邊此奸臣枉臣四也其五謂臣招致各處異人術士養於府中日夕論議爲非竟無主



名此姦臣枉臣五也。其六謂臣府中四門不宜僭擬  
皇城守禦之制更番甚嚴。祖訓兵衛條凡王府守禦  
宿衛護衛均番。此姦臣枉臣六也。其七謂臣宮室僭  
侈。此皇考所賜。祖訓營繕條。燕因元之舊。非臣僭越  
此姦臣枉臣七也。其八謂臣第二子高煦過涿州擅  
筮驛官。此臣失教。然筮一驛官。遂指為臣不軌之迹  
寃濫已甚。何以服天下後世。此姦臣枉臣八也。今諸  
王之中。臣序為長。周齊湘岷代五府已去。如臣去。則  
(楚)(蜀)(秦)(晉)諸國不難去矣。(寧)王無罪。比又削其護衛  
警諸人身手足皆去。身能存乎。伏望陛下鑒臣愚誠

思宗社大計。斷然一不惑。去此姦慝。臣棟頓首頓首

十二月殺(岷)府官屬朱英等。○加李景隆太子太師

賜璽書金幣貂裘。黃子澄隱其敗。故有是命。○(燕)師

出紫荆關。(燕)王謂諸將曰。李九江集眾德州。謀來春

大舉。我欲誘之。以敝其眾。我往大同。勢必來援。南卒

脆弱。疲於奔命。凍餒逃散者必多。善戰者。因其勢而

利導之。諸將皆曰善。攻廣昌。守將楊宗以城降。○罷

兵部尚書齊泰。太常寺卿黃子澄。以(燕)王疏列二人

罪也。二人名雖罷。實籌畫兵事如故。○以練子寧為

史部左侍郎。茹瑺為兵部尚書。後子寧為御史大夫。請誅李景隆不聽。忿



洪叩首言此賣國姦臣不能除之請先伏誅遂至罷朝周是修蕭用道上書指斥用事者誤國齊黃怒且詬于寧曰事已至此尚不能容直論乎

○選募謀勇之士以楊本為錦

李景隆  
忌楊本

衣衛鎮撫周拱元為所鎮撫按本中卒人帥師北向北軍披靡無敢前屢取勝景隆忌之不上功本約日出戰請繼兵景隆曰種得瓜熟容別人採去邪不許本孤軍獨出無救被擒繫此平獄後濟南失利守國者恐北平搖動遂殺命收葬之周拱元沅州人熟諳未得寃用奈何遽殺命收葬之周拱元沅州人熟諳兵機善占候嘗從征引步兵防餉有功後不知所終

○以錢芹為行軍署斷事茅大芳為副都御史葉砥

為翰林院編修錢芹字繼忠吳人洪武中辟督府掾從中山王出沙漠解職閑居者二十年郡守姚善請見芹授一冊竟不交言而退冊中言勤王事善薦為兵部司務從軍北征道病卒○茅大芳太典人洪武中應辟典教淮南擢秦府長史在都院時嘗遺詩淮南守將駙馬都尉梅殷曰幽燕消息

近如何聞道將軍志不磨縱有火龍翻地軸莫教鐵騎過天河關中事業蕭丞相塞上功名馬伏波老我不才無補報西風一度一悲歌文皇登極死之○葉砥上虞人洪武二年進士謫戍涼州建文間召修國史改廣西按察司僉事永樂初坐書端難事多微辭被逮籍其家惟書數篋而已釋之仍命總裁永樂之篋大

惟書數篋大

庚戌二年春正月燕王進兵圍蔚州指揮王忠李遠

以城降進攻大同李景隆率師出紫荆關來授燕王

由居庸關入還北平景隆軍凍餒死者甚眾委棄甲

仗於道不可勝計

二月會試以禮部尚書陳迪右侍郎黃觀知貢舉

詔均江浙田賦詔曰國家有惟正之供田賦不均民

均江浙田賦



不可得而治江浙賦獨重而蘇松淮私租起稅特以懲一時頑民耳豈可為定則以重困一方宜悉與減免照各處起科畝不得過一斗田賦既均蘇松人仍任戶部

璘按此詔為建文朝第一善政文皇登極後但知盡反建文舊政乃不恤民重困非平情也

三月廷試賜胡靖王良李貫等進士及第出身有差

是榜二甲吳溥楊榮楊溥授編修金幼孜陳繼之梁

成黃鉞胡濙授給事中胡靖初名廣上口胡豈可廣乎賜名靖永樂朝仍名廣

○夏四月李景隆自德州進兵北伐燕王屯於固安

謂諸將曰李九江等皆匹夫無能為惟恃其眾耳然

眾豈可恃也人眾易亂擊前則後不知擊左則右不

應將帥不專政令不一甲兵糧餉適足為吾資耳張

玉請先往白溝河以逸待勞從之李景隆郭英吳傑

合兵六十萬號百萬列陣於白溝河鋒初交平安奪

矛而前瞿能父子繼之所向披靡殺傷燕兵甚眾燕

有內官狗兒率千戶葉聚戰於河北岸殺南軍數千

人執都指揮何清夜深始收軍燕王從三騎殿後逃

失道下馬伏地視河流辨東西倉卒渡河而北夜秣

馬待戰命張玉將中軍朱能將左軍陳亨將右軍為

先鋒丘福將騎兵共十餘萬黎明燕兵畢渡瞿能率



其子擣房寬陣。平安翼之。寬敗。王馳騎擊之。南軍飛矢如注。射王。王馬三被創。三易之。矢盡。劍缺。馬却。阻於隄。瞿能幾及之。王急走。隄。登高處。佯麾鞭。若招後繼者。景隆疑有伏。不敢上。隄。王復馳入陣。平安斬燕將陳亨。高煦接戰。瞿能踴躍而前。大呼滅燕。越雋侯俞通淵。陸涼。衛指揮滕聚並進。會旋風起。搥大將旗。王突入。馳擊。與高煦騎兵合。殺瞿能父子。平安亦敗。南軍大亂。崩聲如雷。俞通淵。滕聚等皆戰死。燕兵乘風縱火。燔其營壘。郭英等潰而西。李景隆潰而南。委棄器械輜重。山積。斬首及溺死者二十餘萬人。橫屍

百餘里。景隆單騎走德州。燕王撫其降軍。悉慰遣之。

進兵攻德州。○五月。李景隆奔濟南。燕兵入德州。籍

吏民收府庫。獲糧百餘萬石。兵食益饒。哨騎至濟陽

縣。儒學教諭王省死之。省字子職。吉水人。初就執旣

諸生。曰。此堂名明倫。今日君臣之義何在。遂大哭。諸生亦哭。省以頭觸柱而死。其子禎。判夔州。亦抗節而死。其後有漳州府學教授陳思賢者。茂名人。革命詔至。思賢坐臥不起。迎名。其徒伍性厚。陳應宗。林珏。鄒君默。曾廷瑞。呂賢。設誓君位。哭拜如禮。遂見執。思賢暨六生至京。皆死之。○督餉山東參

攻鐵鉉。參軍高巍自臨邑還守濟南。景隆奔赴之。燕

軍隨至。時景隆衆尚十餘萬。合戰城下。景隆大敗。單

騎入城。燕兵列陣圍之。鉉悉力捍禦。事聞。以鉉爲山

月。已。詳。略。卷三。明建文帝紀。十七



東布政使。召李景隆還朝。○詔以左都督盛庸為大將軍。右都督陳暉副之。代景隆總兵事。時燕兵圍濟南。久不下。乃堰水灌城。鉉撤守具。出居民詐降。迎王入城。王下令退軍。率數騎渡橋。直至城下。城門開。守裨者皆登城。伏堵間。王入門。門中人呼千歲。鐵板亟下。傷王馬首。王驚。易馬而馳。濟南人挽橋。橋堅。燕王竟從橋逸去。復合圍。以礮擊城。垂破。鉉書高皇帝神牌。懸城上。燕兵不敢擊。鉉每出不意。令壯士突擊北兵。皆破之。燕王甚憤。計無所出。時燕王射書入城。招降。有濟陽諸生高賢。寧。教諭王省之。門人也。在濟南城。中作周公輔成。十論。答射。請罷兵。不報。後被執。至文皇。曰。作論。秀才。邪。

論秀

七

好入官之。賢寧固辭。其友紀綱為錦衣衛指揮。勸就職。賢寧曰。子以軍旅出身。余書生也。食廩有年。於義不可。綱言於文皇。得遣歸。年至九十七而卒。 ○秋八月。燕王撤圍還北平。

鐵鉉盛庸復德州。兵勢大振。上即軍中擢鉉為兵部尚書。贊理軍事。封盛庸為歷城侯。○改謹身殿為正心殿。改方孝孺為文學博士。時更改官制。

九月。阜門成。乃改題諸門。○詔盛庸總師北伐。於是平安吳傑屯定州。盛庸屯德州。徐凱陶銘城滄州。

冬十月。燕王語諸將曰。德州城壁堅。定州修築已完。獨滄州土城傾圯。築之不易。且凍土易潰。今佯言征遼東。因其懈怠。破之必矣。王至天津。自直沽一晝夜。

月已出。卷三 明建文帝紀 七



行三百里。遇偵騎盡殺之。比曉至滄州。凱不知。遂拔其城。斬首萬餘級。生擒徐凱及都督程暹。都指揮俞琪。趙濟。胡原等。餘衆悉降。燕將譚淵盡殺之。○十二月燕兵至臨清。掠大名。焚軍餉。○十二月燕兵至滑口。破其先鋒營。擒都指揮唐禮。遂至東昌。庸背城而陣。燕軍薄之。盡爲火器所傷。會平安兵至。與庸合。庸麾兵大戰。燕王衝入中堅。庸軍圍之數重。朱能率番騎突圍。翼王出。張玉不知。王已出。復殺入。救王。遂沒於陣。燕兵大敗而奔。死者無算。適高煦至。擊退庸軍。王聞張玉

張室陣亡

陣亡。痛哭曰。勝負常事。不足慮。艱難之際。失此良輔。殊可悲恨。師還。與諸將語及王。輒淚下不已。後追封王爲河

間王謚忠武。玉河南祥符人。初爲元樞密知院歸附。

辛巳三年春正月。享太廟。告東昌之捷。復齊泰黃子澄官。○二月燕王自撰文祭陣亡將士。張玉等涕零如雨。自褫所服袍焚之。以衣亡者。丘福見王憤恚。謂朱能曰。王志氣如此。何憂大業不成。燕王率師南下。至保定時。盛庸駐德州。吳傑平安駐真定。王與諸將議所向。丘福曰。定州城池未固。攻之可拔。王曰。野戰易攻城難。今真定距德州二百餘里。取其一軍。餘自



膽破。諸將曰：軍介兩敵，彼合勢夾攻，我腹背受敵，柰何？王曰：百里之外，勢不相及，兩軍相薄，勝敗在呼吸間，雖百步不能相救，况二百里哉？遂移軍東出。○以左補闕胡閏為大理寺少卿。○三月，燕王至淳沱河，由陳家渡濟師，與盛庸軍遇於文河。燕將譚淵戰歿，朱能、張輔並進，王自以騎兵貫陣前，獲其驍將楚智，不屈死之。都指揮蕭得皂旗，張俱戰歿。莊得即殺燕將譚淵者，皂旗張每戰輒執皂旗先登，燕軍畏之，及死猶執旗不仆。○燕兵復與庸軍戰，自辰至未，互有勝負。忽大東北風起，飛砂漲天，咫尺不見人。燕軍乘風大呼，縱左右翼橫擊之，庸軍大敗死。

諸將不能識

者不可勝計，降者悉縱遣之。盛庸走德州，王戰罷還營，塵土滿面，諸將不能識，問王語，始趨謁。○詔竄逐齊泰、黃子澄於外，籍其家以謝燕。實使出外募兵也。○閏三月，燕王與吳傑戰於藁城，會大風起，發屋拔樹，燕軍乘之，南軍大潰，斬首六萬餘級，盡獲其軍資器械。吳傑平安走入城，兵降於燕。王悉遣之南還。按燕軍自白溝夾河藁城三戰皆得風助，亦天意也。夏四月，燕兵至大名，謀者言齊泰、黃子澄皆竄逐，有司已籍其家，王乃上書稱臣。燕王棟謹奏為息兵養民事，泰子澄誣臣大惡，激上深誅，臣瀝血懇號，天高

月紀輯畧 卷三 明建文帝紀 三



不應。夫小杖則受，大杖則走。臣詎忍父子俱被無辜之戮，而令陛下受枉殺親王之名哉？故以兵自全，誠非得已。大軍之至，每自推劍，臣亦不敢以爲喜。恒用傷悼。念此元元，皆皇考所息養，而姦臣一旦盡驅諸白刃之下，使濺血成川，暴骸蔽野，嗚呼冤哉！彼實何罪？比聞泰子澄皆已竄逐，臣一家不勝更生之慶。然臣猶未能盡釋於心者，將士皆曰：是直緩我耳。果出誠心，則吳傑平安，盛庸之衆當悉召還，而今聚境侵逼，有加無已，是姦臣之身雖出，而姦臣之計實行，臣思其言，恐亦人事之或然者也。夫聖人至誠感格，豚

魚可孚，而况人乎？惟陛下斷而行之，毋爲姦邪所蔽。

書至上，以示方孝孺。及侍中黃觀、孝孺曰：今諸軍已集，而燕兵久羈大名，暑雨爲沴，不戰自疲。若遼東諸將入山海關，次永平、真定，諸將渡蘆溝橋，擣北平，彼顧巢穴歸，援我以大軍躡其後，必成擒矣。我固欲緩之，彼奏適至，宜且與報書往返踰月，彼心懈而衆離，我謀定而勢合，機不可失也。上曰：善。令孝孺草詔，赦

燕王父子及諸將士罪，使歸本國，勿預兵政。仍復王爵，永爲藩輔。遣大理寺少卿薛崑齎書往。燕師崑至，王問崑臨行，上何言。崑曰：上言殿下旦釋甲謁孝陵。



暮即旋師王曰噫是不可給三尺兒諸將請殺崑王  
 曰天子命使毋妄言留數日遣中使送出境語之曰  
 歸為老臣謝天子天子於臣至親臣父天子大父天  
 子父臣同產兄臣為藩王富貴已極復何望天子素  
 愛厚臣一旦為權姦讒構以至於此臣不得已為救  
 死計耳幸蒙詔罷兵臣一家不勝感戴但姦臣尚在  
 大軍未還臣將士存心狐疑未肯遽散望皇上誅權  
 姦散天下兵臣父子單騎歸闕惟陛下命之崑歸至  
 京方孝孺私問燕王語直而意誠事崑具以告且曰燕王語直而意  
 誠又言其將士同心南師雖眾驕惰寡謀未見可勝

燕王語直而意誠

曲在朝廷

孝孺默然崑入見上亦備述前意上語孝孺曰誠如  
 崑言曲在朝廷齊秦黃子澄誤我矣孝孺惡之曰此  
 為燕游說也

陳建曰方黃此策聽其言則美施於事則疎文阜  
 意計如神豈為區區淺術所誘自弛其備使人得  
 乘其敝邪且方黃惟務集兵而不知選將耿炳文  
 真定之敗以三十萬李景隆北平之敗以五十萬  
 白溝河之敗以六十萬兵莫眾於此矣然皆以將  
 非其人一敗塗地眾果足恃乎方黃不鑒乎此乃  
 以為殺機之會始末之思矣

五月燕師駐大名吳傑平安發兵斷北平餉道燕王

遣指揮武勝上書言比荷聖明允臣所奏諭以偃兵  
 息民而崑歸未十日吳傑平安盛庸疊發兵絕臣糧



餉邀殺臣將校數百人。臣將士守臣約束，不敢赴鬪。而僕等必欲求釁，畧不見捨與比。所下詔旨，殊背馳誠。有以中臣將士之疑孤臣父子之欣幸也。前日詔旨如此，今日姦臣矯制如彼。臣自救之計，敢一日而忘哉。恐陛下實有憐臣之心，每為姦臣所沮，輒復此懇。無任戰兢，俟命。上覽書，嘆曰：「燕王本皇考孝康皇帝母弟，朕叔父也。何必用兵。召方孝孺諭意。」孝孺曰：「陛下即欲罷兵，兵一散，即難復聚。彼或長驅犯闕，何以禦之。今軍聲方振，計捷書當不遠耳。幸無惑其言。」上然之。遂下武勝於獄。燕王聞之，曰：「俟命三月。」今武

其志不可回矣

勝見執是其志不可回矣。彼軍駐德州，資糧所給皆運徐沛。我以輕騎數千，邀而焚之。德州必困，乃遣都指揮李遠詣徐沛，令士卒易三胄，與南軍同背插柳枝為識。至濟寧穀亭，凡軍輿以來儲積盡焚之。丘福薛祿潛兵掠沙河，沛縣焚糧船數千艘，糧數百萬軍資器械俱為灰燼。河水盡熱，運漕軍卒散走。京師大震，盛庸遣將袁宇率三萬人邀李遠回軍。遠設伏擊敗之，斬首萬餘級。

熱河水盡

璘按燕王上書者四語語激切，字字沈痛，既念五王削黜，又自負英武之才，不甘就縛於書生之手，雖抗旌拒命，然猶連章哀籲，以冀朝廷之一悟而執政堅意不回，卒使生靈受禍。君父蒙塵，是誰之



與過  
 殺觀海衛指揮使張壽。壽飲中言國事危急。坐妖言論死。

秋七月平安率兵攻北平。王命都指揮劉江擊之。斬獲數千人。安敗走真定。時河北師老無功。德州糧餉告匱。方孝孺言於上曰：「燕父子兄弟可得而間也。世子見疑，王必北歸。王歸而我餉道通，事乃可濟。」上善之，命孝孺作書許王世子。燕地遣千戶張安如。燕世子得書不啓封，遣人押安俱至王所。時燕宦官黃儼素附高煦，謀譖世子。即馳使告世子且反。王疑之，問

高煦，煦曰：「世子固善太孫，語未竟，書至，王啓視，歎曰：『吾父子至親，猶見離間，况君臣之際乎？』」

朱琦曰：朝廷欲圖燕，何患無策？乃教子叛父，徒貽笑於燕人，殊可醜也。

盛庸檄大同守將房昭入紫荆關，約期攻北平。昭率兵駐易州西水寨。燕王還軍援保定。○詔限僧道田人五畝。○八月，燕兵圍定州。○九月，平安進攻北平，不克，還真定。○冬十月，平安遣都指揮花英率步騎三萬，援房昭。與燕師戰於齊嶺山下，南軍潰，斬首萬餘級。墜崖死者無算。執其將花英、鄭琦、王恭、詹忠等，遂破西水寨。燕王還北平。○徙慶王榘於寧夏。



十一月命駙馬都尉梅殷鎮守淮安○遼東守將楊

文引兵圍水平燕將劉江擊敗之獲其指揮王雄等

七十一人燕王悉縱之還○皇少子文圭生靖難後廢為建

庶人幽於中都廣安宮入禁甫二歲英宗復辟之年

念庶人無罪久繫欲寬之李文達公賢從旁贊曰堯舜之心也叩首請行英宗請於太后下詔曰朕承祖

宗大統欲天下羣生成得其所而况宗室至親也哉憫此遺孤特從寬貸於是出之鳳陽歲給薪米聽其

婚娶出入自便又撥內侍二十人婢妾十餘輩給使令遣太監牛玉諭庶人庶人伏地頓首且喜且悲年

年五十已五十餘矣出禁目不識牛馬有以他處沮者上曰餘不識有天命在任自為之

十二月燕師出北平○太祖高皇帝實祿成○更定

六科給事中品給及倉官黜陟之制○改程本立為

江西肅政按察司副使肅政建文新定官名○燕兵至蠡縣命

李遠率輕騎前哨

壬午四年是年六月十三日建文君出亡十七日燕王即皇帝位春正月命魏

國公徐輝祖率京軍往援山東○燕前哨李遠至藁

城遇德州裨將葛進乘冰渡滹沱河遠迎擊之斬首

四千餘級進僅以身免燕將朱能哨至蘇水擒指揮

賈榮王乃由館陶渡攻破東阿師至東平指揮詹璟

被執吏目鄭華死之顏伯瑋廬陵人燕兵攻沛伯瑋命其弟珏及其次子有為曰汝

歸白大人子職不得盡矣遂自經其子不忍去復還見父尸亦自刎死唐子清得民愛黃謙果敢能戢姦

彈盜被執皆不屈而死



十二騎  
破三千  
人

二月燕兵向徐淮久不見南軍出王遣番騎指揮款台率十二騎覘之至鄒縣見轉餉卒三千人款台大呼馳之卒皆驚潰擒其千戶二人以歸燕王曰款台以十二騎破三千人真壯士也師過徐州城中出兵追之砲舉伏發斬首數千級餘皆奔入城王遂以師南行○更定尚書以下勲階

三月燕將金銘護北軍渡河與王會於宿州進兵蒙城渦河等處平安率步騎四萬躡燕軍王親率騎兵二萬持三日糧往淝河設伏南軍追至伏發平安走北岸燕王以數十騎當之前燕番騎指揮火耳灰者

素驍勇被召入京師隸安麾下持稍直刺燕王相拒十步許燕指揮童信射其馬蹶遂獲之哈三帖木兒亦勇見火耳灰者被獲持稍突陣亦射擒之平安易服以數騎走燕王追之南軍大敗驍將林帖木兒等皆被執平安退屯宿州是日王釋火耳灰者令人宿衛諸將以為言不聽○燕兵至蕭縣知縣鄭恕死之恕字本忠仙居人籍其家二女當配自求死焉○燕王遣將談清往徐州擊轉餉兵又至淮河燒糧船清還南軍圍之鐵鉉來戰燕兵不利王馳入陣火耳灰者翼之殺數千人南軍披靡而遁



夏四月平安營於小河燕兵據河北王令陳文爲橋先渡步卒輜重騎兵隨之遂分兵守橋總兵何福列陣十餘里張左右翼緣河而東麾兵爭橋斬陳文於陣平安圍王真數重真身被十餘創自刎於馬上燕王見失兩將力自督戰安操長鎗幾及之馬蹶不得前燕番將王騏躍馬入陣援去

先是王嘗夜夢與平安戰將敗見一男子

豐貌美髯乘白馬提大刀自西來大呼救駕砍安馬應聲而倒王得脫問其姓名曰莘城隍神也至是果

符所南軍奪橋而北勇氣百倍徐輝祖兵亦至燕將

皆曰軍深入矣暑雨連綿淮土蒸濕且疾疫小河之東平野多牛羊二麥將熟若渡河擇地休息士馬觀

釁而動可持久也燕王曰兵事有進無退勝形成矣而復北渡可乎朱能鄭亨力言渡河非計於是諸將不敢言會京師傳聞燕軍北歸上以京城不可無兵名輝祖還何福孤軍無援卒底於敗

陳建曰兩軍相持貴進忌退朱能勸進而輝祖名還南北成敗之機可以觀矣齊黃方練諸人徒爾憚慮而不知兵安往而不敗哉

時何福移營於靈璧平安率步騎六萬人護糧五萬石將至王遣壯士遮援兵令高煦設伏躬自迎戰何福出壁與平安合擊王高煦伏起王還兵掩其後殺傷萬餘人福兵大敗燕師盡獲其糧餉福等入營堅



守是夜福下令明旦三砲突圍出師就糧於淮河北  
曉燕王攻靈壁營躬率將士先登燕兵三震砲福軍  
誤謂已砲競趨門門塞不得出營中紛擾人馬墜濠  
塹皆滿燕兵亟擊之遂破其營指揮宋瑄力戰死何  
福單騎走生擒都督平安陳暉馬溥徐真都指揮孫  
晟王貴禮部侍郎陳性善大理寺丞彭與民欽天監  
副劉伯完指揮王資等百五十餘人王縱性善等南  
還性善朝服躍入河死平安被俘見王王曰淝河之  
戰公馬不蹶何以遇我安大言曰刺殿下耳王太息  
曰高皇帝好養壯士釋之遣還北平自是南軍益衰

利殿下  
耳

矣宋瑄西寧侯晟之長子。陳性善山陰人。洪武中進士既死。文皇追戮其屍。徙其家於邊。尋赦還。彭與民萬安人。後與王資俱論死。劉伯完善占候。又精歷法。故置軍中。後不知所終。○是月上用齊泰黃子澄謀調遼兵十萬至濟南與鐵鉉合力以斷燕後楊文至直沽遇燕將宋貴截殺師潰文被執竟無一人至濟南者。

五月燕兵至泗州守將周景初以城降王謁祖陵泣告曰橫懼權姦幾不免矣幸賴祖宗得今日拜陵下陵下父老來見悉賜牛酒慰勞而遣之○燕師至淮盛庸率馬步兵數萬戰艦數千列營南岸王命艤舟編筏揚旗鼓噪若將渡者潛遣丘福朱能狗兒等西



行二十里以小舟潛渡出庸後漸近營舉砲南軍驚走庸股栗不能上馬遂單舸脫去燕兵盡得其戰艦

渡淮駐南岸守淮河兵部主事樊士信死之燕兵

下盱眙天長進至揚州守將崇剛御史王彬死之王

東平人洪武中進士時奉命巡江淮治揚州守將崇剛練兵濬濠晝夜不懈彬倚任之指揮王禮謀降

彬下之獄禮弟王宗厚遂執二人以獻彬不屈死時江都知縣張本欲守節不附其母曰天命也

遂與千戶徐政以城降張本故不善崇剛剛亦不屈死剛揚州衛世襲指揮也

○燕兵至儀真立大營於高資港○詔天下勤王方孝孺曰事急

矣宜以計緩之遣人許割地稽延數日東南募兵當

至長江天塹北兵不閑舟楫相與決戰於江上勝敗

未可分上從之以呂太后命遣慶成郡主如燕師議

和許割地分南北郡主王從姊也王見姊哭郡主亦

哭王問周齊二王安在郡主曰周王召還未復爵齊

王仍拘囚王益悲不自勝郡主徐申割地議燕王曰

凡所以來為姦臣耳皇考所分吾地且不能保何望

割也但得姦臣之後謁孝陵朝天子求復典章之舊

免諸王之罪即還北平祇奉藩輔豈有他望此議蓋

姦臣欲緩我師俟遠方兵至耳郡主默然辭歸王送

之出曰為我謝天子吾與上至親相愛無他意幸不

終為姦臣所惑更為我語諸弟妹吾幾不免賴宗廟



神靈得至此相見有日矣郡主還具言之上出語方  
 孝孺且問曰今奈何孝孺曰長江可當百萬兵江北  
 船已遣人燒盡北師豈能飛渡○蘇州知府姚善寧  
 波知府王璉徽州知府陳彥回樂平知縣張彥方前  
 永清典史周縉各糾眾勤王姚善字克一安陸人奉  
 詔督蘇松嘉常鎮兵未  
 戰為許千戶縛以獻論死○王璉字器之日照人  
 日見魚肉兼饌命撤而瘞之人號蕤羹太守燕兵偏  
 淮上璉造大船欲取海道趨瓜州截北兵衛卒縛璉  
 至京文皇問造船何為璉不少屈具以實對放還用  
 里終焉○陳彥回丁祖母憂徽民赴闕乞留隨奉命  
 募義勇至京師而以黃希范代之彥回被執而死希  
 范聞之素服不視事被逮亦不屈死○張彥方龍泉  
 人為燕游徼所執梟首譙樓暑月經旬如生蠅蚋不  
 敢近○周縉字伯紳糾旅起義戎器畧具  
 械至京戍興州兵子代還年八十終於家

蕤羹太守

經旬如生

六月癸丑朔燕府哨兵至浦子口盛庸迎戰敗之會

高煦引騎兵至殊死戰庸軍少却朝命都督僉事陳

瑄率舟師來援瑄降於燕時兵部侍郎陳植督師江

上麾下金都督殺植率眾來降且邀賞燕王立誅之

具棺斂植遣官護葬於白石山○乙卯陳瑄具舟來

迎王誓師渡江微風輕颺漸近岸南軍潰盛庸單騎

遁去將士皆解甲降諸將請竟薄京城燕王曰鎮江

咽喉之地若城守不下往來非便乃令來降海舟懸

黃幟往來江中鎮江守將童俊望見驚曰海舟皆已

降吾將何為遂以城降○上召方孝孺問計孝孺即

明建文帝紀



班中執李景隆請誅之曰壞陛下事者此賊也

〔璘按〕景隆庸懦原非將才乃不罪力薦景隆之人而專罪景隆亦偏見也

庚申燕兵至龍潭方孝孺曰城中尚有勁兵二十萬

城高池深糧食充足盡撤城外居民驅入城城外積

木皆令民運入彼無所據其能久駐乎乃詔軍民商

賈晝夜撤屋運木盛暑中饑渴勞苦死者相枕藉民

憚於運木冬自縱火焚其居火連日不息西南城崩

役兵民修築未竟東北復崩民晝夜不得息孝孺請

令諸王分守城門又令李景隆及兵部尚書茹瑄都

督王佐往龍潭佯以割地講和為辭觀虛實以待援

兵景隆等見燕王伏地叩頭而已王笑曰至此有言

乎景隆稍及割地事王曰始吾未有過舉削為庶人

云大義滅親吾救死不暇何用地為且割地何名此

又姦臣計也姦臣至吾即解甲謝罪歸奉北藩天地

神明在上吾不食言景隆等還報命上令諸王如燕

師諸王具述上意燕王曰諸弟試謂斯言誠偽諸王

曰大兄洞見之矣王乃置酒相勞苦遣歸

大兄洞見之

〔璘按〕建文君先賜燕王書言罷兵後遣慶成郡主

請割地講和又令李景隆茹瑄申前議至是又遣

諸王往總為緩兵之計無一實語誰則信之薛瑄

謂方孝孺曰燕王語直而意識曲直誠偽之間成敗分矣



事出汝輩

上會羣臣慟哭或勸幸浙或言幸湖湘方孝孺請守京城萬一不利請幸蜀時齊秦奔廣德州黃子澄奔蘇州上太息曰事出汝輩而今皆棄我去乎長吁不已○癸亥燕先鋒劉保華聚哨至朝陽門視知無備王乃整兵而進屯金川門左都督徐增壽謀應燕上命左右梓增壽至責以大義斬之谷王德李景隆守金川門聞燕王至遂開門請王入城魏國公徐輝祖開國公常昇迎戰敗績王馳千餘騎衛周齊二王周王曰吾死矣曰燕之騎兵也乃入見且拜且哭燕王亦哭已而並轡至金川門下馬登樓時京城文武官

俱來迎上盡閉諸后妃縱火焚之挈三子變服出走

復棄三子於宮門燕兵執置軍中上遂遁去

璘按建文君初卽位於熒熒哀疚中遽以輕兵掩執周王廢徙雲南元年四月岷湘齊代或死或囚又簡燕王三護衛出屯開平番騎指揮既已內調逮其官屬至京盡誅之復遣勅使坐名更索文武大吏徧樹腹心圍守王府柵端禮門屢有密旨約期俱發高祖高后在天之靈能不怨恫乎且此六王者非惟無反形并無反謀也迨靖難兵起以長興侯之敗誤用李景隆喪師辱國虛糜糧餉思瞿能揚本大功垂成多方阻撓致令陷沒歷城繼之不可為矣昔人有言禍至神惑運盡天亡其斯之謂與

羣臣詣燕王勸進皆頓首曰天生聖人為宗社生民主殿下太祖之嫡嗣宜正天位王固辭諸將上表勸



進再辭諸王固請王命駕謁孝陵畢入城王曰諸王羣臣以為奉宗廟宜莫如予宗廟事重予不足稱今辭弗獲勉徇眾志諸王羣臣其協心輔予不逮王御奉天殿即皇帝位○復周王橚齊王榘封爵○上清宮詰問建文所在宮人指后尸應焉命出尸灰燼中哭之曰小子無知乃至此乎召翰林院侍讀王景彰問葬禮當如何對曰當葬以天子之禮從之○復諸殿門舊名革去與宗孝康皇帝謚號仍稱懿文皇太子遷太后於懿文陵降封吳王允熲為廣澤王衛王允燧為懷恩王徐王允熾為敷惠王

允熲允燧尋廢為庶人○

榜列姦臣二十九人太常寺卿黃子澄兵部尚書齊泰禮部尚書陳迪文學博士方孝孺副都御史練子寧禮部侍郎黃觀大理寺少卿胡閩寺丞鄒瑾戶部尚書王鈞侍郎郭任盧迥刑部尚書侯泰侍郎暴昭工部尚書鄭賜侍郎黃福吏部尚書張統侍郎毛大亨給事中陳繼之御史董鏞曾鳳韶王度高翔魏冕謝昇前御史尹昌隆宗人府經歷宋徵卓敬修撰王叔英戶部主事巨敬以上分別首從宥鄭賜王鈞黃福尹昌隆張統五人復其官○復榜列朝堂增徐輝祖葛誠周是修鐵鉉姚善甘棠鄭公智葉仲惠王璉



始終無推戴意

黃希范陳彥回劉景程通戴德彝王良盧原質茅大  
 芳胡子昭韓永葉希賢林嘉猷蔡運盧振牛景先周  
 璿等二十五人。出賞格有能綁縛姦臣為首者陞官  
 三級為從者陞官二級。○追封都督徐增壽為武陽  
 侯進封定國公子孫世襲。○下魏國公徐輝祖於獄  
 上親名問輝祖不出一語。始終無推戴意。然以元勳  
 國戚止革其祿米勒歸第。○黃子澄自蘇州縛至齊  
 秦自廣德州縛至皆族誅。秦妻發教坊司幼子甫六  
 歲給配及其九族外親高  
 庸等十六戶皆充軍。○子澄被誅從子文富福遠等  
 六十五人皆死。妻妹皆發教坊司及其九族外親四  
 百餘人。○下文學博士方孝孺獄。建文遜位。哀絰哀號

闕下。上命其草詔不屈。誅其九族。又以朋友門生廖

鏞林嘉猷等為一族并誅之。磔孝孺於市。坐死者八

百七十三人。

抄錄方氏時其妻鄭氏與諸子皆先經  
死。相傳典史魏澤藏其幼子以故方氏

尚有

○殺兵部尚書鐵鉉。鉉被縛至背立廷中。令一

顧不可得。割其耳鼻。竟不肯顧。熱其肉納鉉口中。問

曰甘否。鉉厲聲曰忠臣孝子肉有何不甘。遂磔之。

鉉

州人。洪武時以國學生授禮科給事中。賜字鼎石。  
 遷山東參政。陞兵部尚書。文皇即位被縛入見。不肯  
 一顧。遂磔之。令昇大鑊。至納油數斛。熬之。投鉉屍。頃  
 刻成煤炭。導其屍使朝上。轉展向外。上令內侍用鐵  
 棒十餘夾持之。使北面笑曰爾今亦朝我邪。語未畢  
 油沸濺起。文餘內侍手糜爛棄捧走。屍仍反背如故。  
 上大驚命葬之。時鉉年三十有七。父仲名八十三。母  
 薛氏並海南安置。子福安年十一。發河池編伍。康安



鞍轡局充匠卒皆被殺妻楊氏并二女發教坊司楊  
卽病死。二女誓不受辱久之。鉉同官以聞上曰彼竟  
不屈邪。乃赦禮部尚書陳迪被名責問嫚罵不屈并  
出皆適士人

殺其子鳳山等六人廸宣城人刑部尚書侯泰被執下獄

死之弟敬祖子圮皆論死幼子京兒繫獄泰南和人左侍

郎暴昭被縛抗罵去其齒截手足罵不絕口至斷頸

乃已昭潞州人都御史練子寧被執語不遜斷其舌上曰

吾欲法周公輔成王耳子寧探舌血書地上曰成王

安在遂族其家姻戚連坐戍邊者百五十一人知縣黃尚

質匿其幼子又妾秦氏生子戶部侍郎卓敬被執姚

廣孝必欲殺之遂斃其三族敬臨刑歎曰變起宗親

畧無經畫敬死有餘罪神色凜然經月如生侍郎郭

任丹徒人盧迥仙居人刑部侍郎胡子昭大定人父復初

餘并子五泰興人副都御史茅大芳泰興人僉都御史周璿大

理寺少卿胡閏字松友鄱陽人洪武初官督府經歷

高翔等數人衰經號哭闕下上名孝孺草詔繼召閏

人諭令更服不屈上怒命力士擊其齒齒盡罵聲不

絕縊之死以石灰水浸脫其皮草實之懸武功坊子

傳道論死傳慶成邊女郡奴錄教坊費墨汚面二十

一年釋歸無恙鄉人競貽之錢穀曰此忠臣女也太

常寺少卿盧原質寧海人左拾遺戴德彝奉化人德

在京師嫂項氏家居聞變度禍且赤族令盡室逃避  
藏德夷二子於山間燬戴氏族譜獨身留家及收者  
至一無所得賊項氏焚炙遍給事中陳繼之莆田人  
體焦爛竟無一言戴族遂全父母及

血書成  
王安在

突墨汚

項氏傲

戴氏不

月已

卷三

明建文帝紀

三



弟朔戌邊韓永西安人。監察御史高翔朝邑人革命日

見語不遜。夷其族籍沒。諸給高氏產者皆加稅日。甘

霖懷寧人董鏞葉希賢鄭公智寧海人謝昇王度歸善人

後彝戶部主事巨敬平涼人。宗人府經歷宋徽并殺

子盧振指揮僉事林嘉猷寧海人蘇州知府姚善安陸人

徽州知府陳彥回莆田人知府黃希范葉仲惠臨海人谷

府長史劉璟文成公次子也被逮入見。猶稱殿下。且

其髮自經死。有司希旨。遼府長史程通績溪人知州蔡

運南康人皆被執。不屈而死。○禮部侍郎黃觀貴池人

會試廷試皆第一。靖難兵南下。奉詔募兵。且督諸郡

勤王。聞變。自投李陽河。舟人急鈎之。得其冠以獻。命

東芻象觀。取冠冠之。剄於市。籍其家。并逮媿。太常寺

少卿廖昇襄陽人大理寺寺丞鄒瑾永豐人修撰王叔英

黃巖編修王良吉水人。御史魏冕永豐人陳瑛追論

鳳韶廬陵人衡府紀善周是修泰和人以上皆

御史程立本桐鄉人編修陳忠鄞縣人給事中龔泰義烏

葉福黃鉞常熟人御史林英丁志方聊城人前御史鄒朴

弟謹之郎中談翼主事徐子權新淦人按察使王良祥符

參政鄭居貞徽州人晉府長史龍潭萬載人都司斷事方

法等皆自殺。○禮部侍郎黃魁不屈死之。○僉都御

史司中名見不屈。命以鐵帚刷其膚肉至盡而死。○



日氣冲天

猶有面

日見皇

祖

勞而無功

御史連楹立金川門下叩馬數文皇命收之延頸受刃。白氣冲天。尸僵立不仆。○大理寺丞劉端約刑部郎中王高同棄官去。事露被執。召問練安方孝孺何如人。端曰。忠臣也。上曰。汝逃。忠乎。曰。存身以圖報耳。命劓其鼻。上笑曰。作如此面目。還成人否。端曰。我猶有面。日可見。皇祖遂捶殺之。○梅殷擁兵淮南。上迫公主。嚙指血作書招之。殷還。上迎謂曰。駙馬勞苦。殷曰。勞而無功。上憾之後。為仇家都督譚溪指揮趙曠。擠人筮橋水中死。都督許成發其事。上淡罪二人。二人曰。上命也。奈何殺臣。上怒立斬之。謚殷榮定。官其

子順昌為中府都督。景福為旗手衛僉事。時駙馬都

尉耿璿與弟都督璫俱論死。○執松江府同知周繼

瑜至磔於市。

繼瑜募兵入援

○兵部侍郎張安國見燕兵偪

京師。與妻賈氏乘舟入太湖。聞京師陷。歎曰。食人之

祿。而全身於新主之世。耻莫大焉。乃鑿其舟以沉。

辨按文皇誅齊泰黃子澄勢使然也當太祖崩時

天下晏安初非有漢七國晉人王之禍齊黃先受

知於太祖及建文踐祚宜導以親親之誼不應啓

其疑忌骨肉之心圖燕太亟激之使變於是齊黃

與燕有不並立之勢齊黃事成則諸王將求為布

衣而不可得燕事成則二氏之族赤矣至於方練

諸臣宜放歸罔里以示優容彼既不能以天下之

全力制一燕又豈能黃冠故鄉號召與復乎乃與

諸生輩斤斤較量殊非帝王之度矣○按紀稱諸

將北征建文君論之曰無使朕負殺叔父名由是



燕王臨陣當前或以一騎殿後嘗傷南營露宿比曉按轡徐行穿其陣而去諸將相顧錯愕莫敢發一矢遂笑建文為宋襄之仁致失天下此至愚極陋之言也建文為太孫時坐東角門謂黃子澄曰諸叔各擁重兵何以制之子澄以漢七國事對太孫喜曰吾得此謀可無慮矣當是時已萌殺叔父之心况踐祚之日子澄力贊之邪又按紀稱白溝之戰南軍飛矢如注燕王馬三被創一易之幾為瞿能所及登隄乃免渦河之戰番將火耳灰者哈三帖木兒持稍直刺燕王燕番騎指揮童信射獲之泥河之戰平安持長鎗追燕王去十步許馬蹶不能前燕番騎指揮王驥躍馬援去夫謂諸將不敢以一矢相加者如此又謂燕王之瀕於危者如彼紀事之書何其自相矛盾也若果不欲殺叔父而密敕張信手致之何哉

秋七月壬午朔大祀天地於南郊以即位詔天下仍用洪武三十五年為紀其以明年為永樂元年○大

赦惟名在姦籍者不赦○召待詔解縉中書舍人黃淮立御榻

左備顧問○召前北平按察使陳瑛至京以為副都

御史初瑛坐交通藩邸謫廣西上即位首召之瑛請

追戮建文朝黃觀諸臣上不許○上臨朝詰問建文

時變亂官制曰陵土未乾何忍紛紛為吏部尚書張

統懼而自縊○以蹇義為吏部尚書夏原吉為戶部

尚書命解縉黃淮胡廣楊榮楊士奇金幼孜胡儼七

人直文淵閣率漏下數十刻始退縉吉水人廣廬陵人士奇太和人幼

孜新淦人儼南昌人榮建安人○殺左僉都御史景

清清懷利刃入朝欲刺上為建文君報仇搜得之磔



於市

九月封靖難功臣丘福淇國公朱能成國公張武成  
 陽侯鄭亨武安侯火真同安侯顧成鎮遠侯王聰武  
 城侯陳珪泰寧侯孟善保定侯郭亮成安侯王忠靖  
 安侯徐忠永康侯張信隆平侯李遠安平侯徐祥興  
 安伯徐理武康伯李濬新城伯唐雲新昌伯孫巖應  
 城伯趙彝忻城伯陳旭雲陽伯張輔信安伯張玉譚  
 忠新寧伯譚淵之子以上世襲房寬思恩侯世襲指揮使  
 房勝富昌伯劉才廣恩伯世襲指揮同知又以兵部  
 尚書茹瑞都督王佐陳瑄有功封瑞忠誠伯佐順昌

伯瑄平江伯世襲指揮使駙馬都尉王寧不附權貴  
 致罹誣陷封永春侯世襲其餘將士陞賞有差○徙  
 封谷王德於長沙○以黃福為工部尚書○冬十月  
 詔重修太祖高皇帝實錄○寧王權來朝徙封南昌  
 ○上閱宮中奏章多言燕事命解縉等檢查關係錢  
 糧軍馬數目者則畱餘悉焚之

十一月冊妃徐氏為皇后中山王徐達之女也○擢北平布政

使郭資為戶部尚書保定府知府翟僉為刑部尚書  
 仍掌司府事以通政使李至剛為禮部尚書江西儒  
 士軒伯昂為山東布政司左參議



成祖文皇帝

諱棣。太祖第四子。初封燕王。入繼大統。在位二十二年。崩。壽六十五。

葬長陵。廟號太宗。嘉靖十七年。廟號成祖。

癸未。永樂元年。春正月。復代王桂。岷王榘。封爵。

以北京為北京

二月。詔以北平為北京。設北京留守。以郭資。雒。僉為

行部尚書。平安。行都督僉事。分置吏戶禮兵刑工六

曹。清吏司。改北平為順天府。其北平都使司。布政司。

按察司。衙門俱革。○命皇子高煦率兵備開平。○武

安侯郭英卒。

三月。羣臣上表請立皇太子。勅答曰。朕嗣承大寶。思

惟負荷之艱。夙夜祗栗。矧在長子。知識未廣。德業未

進。儲貳之任。豈當遽承。不允。○以大寧界兀良哈。

良哈。地在烏龍江之南。漁陽塞之北。兀為大寧路。明初。割錦義建利諸州屬遼東。而於古會州大寧之地。

設北平行都司。領二十餘衛所。洪武十四年。封皇子權於大寧。為寧王。二十二年。分兀良哈為朶顏。福餘。

大寧三衛。以阿札失里等為三衛指揮同知。文皇靖難。首劫大寧兵。及召兀良哈諸酋長率部落。從行有

功。至是以大寧地盡界三衛。○徙山西澤潞無田之民。耕於河南

裕州。

夏四月。命戶部尚書夏原吉往浙西治水。○封駙馬

都尉袁容為廣平侯。容尚永安公主。李讓為富陽侯。讓尚永平公主。

子孫世襲。以有守城之功。續封靖難功臣李彬。豐城侯陳懋。寧陽伯。陳亨子。王通。武彝伯。王真子。王友。清遠伯。陳賢。榮



昌伯張興安鄉伯陳志遂安伯俱世襲。

五月上皇考妣謚號聖神文武欽明啓運俊德成功  
統天大孝高皇帝。孝慈昭憲至仁聞德承天順聖高  
皇后。○六月太祖實錄成。共一百八十三卷。

秋九月都御史陳瑛劾奏歷城侯盛庸口出怨言。心  
懷異圖。詔下庸獄。庸死獄中。諸子皆被誅。瑛又劾奏

耿炳文服器僭侈。命籍其家。炳文自殺。諸子皆論死。

炳文洪武三年封長興侯。長子璿

尚懿文長女。次子獻。歷官都督。

冬十月賜貴州總兵官鎮遠侯顧成銀幣。上謂侍臣  
曰。朕今休息天下。惟望時和年豐。百姓安樂。至於外

彝。但思有以備之。必不肯自我擾之。以罷敝生民成

言。今日惟安養中國。慎固邊方。甚合朕意。以是特嘉

獎之。○十一月封李芳遠爲朝鮮國王。

甲申二年春正月召皇長子及高煦還京。○復命夏

原吉往蘇松治水。○二月會試以侍讀學士解縉侍

講。黃淮充考試官。取楊相等四百七十二人。○三月

改封懿文皇太子第四子敷惠王允熾爲歐寧王。○

廷試賜會祭周述周孟簡等進士及第。出身有差。命

工部建進士題名碑於國子監。命侍讀學士王達記。

夏四月冊立皇長子高熾爲皇太子。封高煦爲漢王



高燧為趙王。初議建儲。武臣咸請立高煦。惟文臣金  
 忠以為不可。上密諮解縉對曰。立嫡以長。復問黃淮  
 亦曰。嫡長承統。問尹昌隆如准言。上意遂決。○冊立  
 皇長子妃張氏為皇太子妃。○擢左善世道衍為太  
 子少師。始復姓姚。賜名廣孝。由是上稱姚少師而不  
 名。○文華寶鑑成。以授太子。即太祖所定儲君昭鑒錄。此書稍充廣之。○  
 五月上諭講臣曰。帝王之學。貴切實。用其一槩浮泛  
 無益之語。勿進講。○上將詣孝陵。有司請具法駕。上  
 以皇考忌日。正屬感慕之時。不用。

帝王之學貴切實用

六月封哈密安克帖木兒為忠順王

按哈密古伊古廬地在燉煌北

羗戎往來之路也。元封忽納天里為武威王。改封肅  
 王。卒。弟安克帖木兒嗣。洪武時置甘州衛於張掖。肅  
 州衛於酒泉。涼州衛於武威。西寧衛於湟中。又置山  
 丹永昌鎮。番莊浪。四衛。高臺鎮。彝古浪。三千戶。自  
 陝西蘭州渡河。千五百里至肅州。自肅州西七十里  
 為嘉峪關。文皇初設關外七衛。曰哈密。曰安定。曰可  
 瑞。曰赤斤。蒙古曰曲先。曰罕東。曰罕左。七衛皆在  
 嘉峪關西。哈密又在七衛西。東去肅州。西去吐魯番  
 各千五百里。北至瓦喇。數百里。至是改封安克帖木  
 兒為忠順王。以頭目馬哈麻火只等為指揮。分其眾  
 居苦峪城。○饒州鄱陽縣儒士朱友季詣闕獻所著書專  
 毀濂洛關閩之說。上覽之曰。此儒者之賊也。遣行人  
 押友季還饒州。會司府縣官。聲其罪。杖之。悉焚其書。

○秋八月。老撾送安南故王孫陳天平來朝。具奏黎  
 蒼父子弑君虐民大惡不道。請興師弔伐。情辭哀懇。



黃河清

上憐之。賜居第。給其廩食。隨命御史李琦齎勅往諭。俾具篡奪陳氏之實以聞。○冬十月。山西蒲州河津縣禹門渡黃河清。是月十七日至明年三月十八日水色始復舊。○解縉等

承制纂錄韻書成。賜名文獻大典。纂修官皆賜鈔宴於禮部。

乙酉三年春正月。命學士解縉等選新進士有才識

者。就文淵閣肄業。得二十八人。庶吉士周忱自陳年

少。願進學。上曰。有志之士也。增忱二十九人。命解縉

領其事。

秋七月。塞外酋長把都帖木兒等來歸。居之涼州。勅

獎宋晟招徠之功。命把都帖木兒為右軍都督僉事。賜姓名吳允誠。倫都兒。灰為後軍。

有志之士

都督僉事。賜姓名柴秉誠。保任為陝西行都司都督。揮僉事。賜姓名楊効誠。部屬為指揮千百戶。鎮撫。賜冠帶金幣。有差。

八月。戶部尚書鄒新卒。召浙西治水戶部尚書夏原

吉還掌部事。湖州慈感寺潮音橋下。水清徹。有蚌常浮水面吐珠。每風雨即有蛟龍來攫原

吉。治水至湖宿寺中。夜有姬黑衣白裏攜一美女來見。訴曰。久寓於此。歲被隣豪欲奪吾女。若得大人一

字為鎮。彼即懾伏。不敢動。公書一詩與之。拜領而去。公至吳淞江。有金甲神來。請曰。聘一鄰女。已久無賴。

賺大人。手筆抵塞。不肯嫁。請改判。公張目視之神。遂巡畏避。公因悟曰。是慈感神珠之化也。牒於海神。次

日大風。雨震死一蛟於錢溪之北。文皇方有偵卒報知。及還朝。問狀對曰。此皆陛下威德。百神效靈。臣何

能焉。上悅甚。楊文貞請錄付史館。上以事涉怪異不允。○加封信安伯張輔為

新城侯。



冬十月封宋晟為西寧侯子孫世襲嘉其柔遠安邊之功也初御史言甘肅總兵官宋晟擅竊威權事多專制上諭侍臣曰任事不專則不能成功况大將受邊寄豈可盡拘文法今當明與晟言使之釋疑賜勅曰前者御史言卿專權此言官欲舉其職夫為將不專則功不立朕既付卿以閫外之任事有便宜即行而後聞自古任將率用此道忠臣事君亦在推誠朕知卿有素委以重任彼雖有言卿勿置意但盡心邊務以副朕懷

晟三子長宣指揮使與燕兵戰於靈壁陣沒次琥尚安成公主瑛尚威寧公主

○安南遣使阮景貞隨御史李琦入朝上表謝罪請

陳天平歸國○殺北京行部尚書雜僉

都御史陳瑛劾之也

以刑部尚書鄭賜為禮部尚書擢真定府知府呂震

為兵部尚書

禮部尚書李至剛降儀制司郎中

丙戌四年春正月十賜孽書獎諭日本國王源道義

先對馬岐臺等島海寇劫掠沿海居民劫道又捕之道又獲渠魁以獻盡殲餘黨上嘉之故有是命仍賜白金千兩織金綵段二百匹綺繡衣六十件綺繡帳褥枕席銀盤器皿諸物封其國之鎮山曰壽安立碑其地上親

○塞外頭目滿束兒以等率眾來朝

以滿束兒為都指揮同知賜姓名崇志誠阿兒刺台為都指揮僉事賜姓名楊汝誠餘俱授職賞賚有差命居涼州寧夏莊

二月命趙王高燾居守北京○會試以侍讀學士王達沈馬楊溥充考試官取朱縉等二百二



十人○三月廷試賜林環陳全劉素等進上及第出身有差○命鎮守廣西都督僉事黃中呂毅以兵送

安南國王孫陳天平還國黎季犛伏兵殺天平黃中

等引兵還先安南國王陳日焜為其臣黎季犛所弒

元子蒼改名全稱皇帝季犛自稱太上皇永樂元年

上表許稱陳氏絕查為陳氏甥求權署國事上從其

請踰年天平還國上勅廣中等以兵送天平還時大理

寺卿薛富謫廣西中與以輔行入安南境至濫丘季

稜遠陪臣黃膺卿等以稟餽迎候牛酒犒師壺漿相

屬度隘畱雞陵二關將至芹站山路險隘林木叢密

軍行不得成列日遇雨潦忽伏發大呼劫天平中等

整兵擊之賊眾十餘萬已併絕橋道不得前天平與

高皆死上聞之大怒曰此而不誅兵則奚用勅西平

侯沐晟調兵

○齊王搏之國上誠之曰毋忘患難

運糧以俟

○秋七月討安南命陳國公朱能佩大將軍印

州

西平侯沐晟為左副將軍新城侯張輔為右副將軍

豐城侯李林為左叅將寧陽伯陳旭為右叅將兵部

尚書劉儁叅贊軍務刑部尚書黃福大理寺卿陳洽

督軍餉置神機游擊橫海鷹揚驍騎五營共二十五

毋忘患難

運糧以俟

○齊王搏之國上誠之曰毋忘患難

國陰蓄亡命養刺客僭帝號為詛咒自廣智門外關

苑岡築墻垣守吏不得登城夜巡李琪會名深等告

變搏匿人滅口上賜書索琪是時周王楠上書悔罪

上以楠書示搏搏來朝延臣劾其罪請論如法搏厲

聲曰姦臣喋喋無乃效建文時殺我乎會當盡斬此

輩上聞之怒留搏京邸奪其護衛出王所繫囚及諸

不法器械羣臣以教授葉垣等不正救請治之上曰

朕與王為兄弟出之國寵以爵祿恩禮優渥誠心

溫辭開諭再三尚猶不悛教授柰王何其勿論搏留

京屢有怨言上乃召其諸子至並削爵廢為庶人安

置廬



將軍命沐晟率兵由雲南臨安府蒙自縣入朱能等由廣西思明府憑祥州入彼此犄角協力成功○詔建北京宮殿○設陝西甘肅苑馬寺○冬十月朱能有疾留龍州張輔等入安南境破隘雷雞陵二關賊敗走進度芹站至昌江市造浮橋濟師駐營北江府新福縣沐晟兵至白鶴遣人來會輔等自市江口造船圖進取時季旆恃僞東西都及宣江洮江沱江富良江以為固於江北岸樹柵築城連亘九百餘里盡發江北諸府州民二百餘萬人守之又於富良江南岸置椿盡取國中船隻列於椿內諸江海口每下桿木以防攻擊東都守備甚嚴○成國公朱列象陣於城柵內欲守險以老我師○成國公朱能卒於龍州年三十七先是上謂侍臣曰朕夜觀天

四獅蒙

象西師有憂朱能其不免乎能足辨斯事慮水土不習耳訃聞上震悼輟朝五日樞還上親為文祭之極其悲愴追封東平王謚武烈能身長八尺驍勇絕倫大呼陷敵所向披靡出奇制勝算無遺策首建大勳不矜不伐尤善撫士卒死之日軍中莫不流涕命張輔佩大將軍印督兵進討

十二月張輔等與沐晟合軍克多邦城賊於城內列象接戰游擊將軍宋廣以畫獅蒙馬神機將軍羅文以神銃翼而行象被傷皆退走官軍長驅而進殺賊帥梁民獻祭伯樂等追至傘圓山死者無算三江路宣江洮江等州縣皆詣軍門降○甌寧王允熯暴卒



明紀事本末 卷三  
邸中忽火起王驚仆地卒時十六謚曰哀簡

丁亥五年春正月張輔破安南桐江寨萬劫江普賴山等處斬首三萬七千餘級又敗賊於木瓦江斬首萬餘級溺水死者無算○禮部奏直隸及浙江諸郡軍民子弟披剃爲僧赴京請度牒者千八百人上曰皇考之制民年四十以上始聽出家今犯禁若此不知有朝廷矣悉付兵部編軍籍發戍遼東甘肅三月張輔沐晟等擊賊於富良江斬首數萬直抵閩海口盡獲其舟季穉遁去僞吏部尚書范覽大理卿阮飛卿等詣軍門降

夏四月皇長孫瞻基出閣就學時年九歲命太子少師姚廣孝翰林院待詔曾瑄宋禮等侍講讀禮部郎中李繼鼎說書不置僚屬○張輔等奏言前蒙聖諭安南平定訪求陳氏子孫俾嗣王爵今其國中耆老咸詣臣言黎賊篡逆之時搜求陳氏子孫誅殺已盡莫可繼承又謂安南本古中國之地其後淪沒化爲異類今幸聖朝掃除殘賊願復立郡縣設官治理以漸沐聖化臣伏計黎賊父子旦夕就誅宜有所統陳氏已絕無可訪求必開設三司統率郡縣撫輯兵民奏至上曰侯擒賊而後處置



安南平

五月張輔至茶龍前哨都督柳升敗賊獲船三百餘艘賊遁輔等追至日南州奇羅海升前哨復與賊遇生擒季穉及其子澄復至永盜海口高望山獲偽大虞國王黎蒼偽太子黎萬偽柱國黎季獵胡杜等餘眾悉降安南平得府十五州四十一縣二百有八戶三百一十二萬糧儲一千三百六十萬石象馬牛十三萬五千九百船八千七百隻軍器二千五十三萬九千件

交趾設三言官

六月改安南為交趾命督餉尚書黃福兼掌布按二司事都督僉事呂毅掌都使司事分十七府曰交州

曰北江曰諒江曰三江曰建平曰新安曰建昌曰奉化曰清化曰宣化曰太原曰鎮蠻曰諒山曰新平曰義安曰順化曰升華州五曰宣化曰嘉興曰歸化曰廣威曰濱州統諸州縣

無驕蓄外家

秋七月乙卯皇后徐氏崩后疾甚上問有何言曰願廣求賢才明別邪正子孫成之以學宗室親之以恩無驕蓄外家上泣后亦泣曰生死有定惟上自愛及崩上哭之慟羣臣奉慰上曰皇后仁明賢淑漢馬氏唐長孫之倫也雖處宮中其念惟在生民繼自今朕入宮不復聞直言矣后自洪武九年正月薨為燕王



必有德  
行之助

內訓  
四篇

妃恭勤婦道高后深愛重高后崩哀毀動左右蔬食  
三年正位中宮愈益敬謹命婦入見賜冠服金幣論  
之曰妻之事夫豈止衣服饋食必有德行之助焉古  
公侯夫人及大夫士之妻助成其夫之德化有形於  
詩歌載諸史傳者古今人豈相遠哉常情朋友之言  
有從有違夫婦之言婉順易入吾在宮中朝夕侍皇  
上未嘗不以生民為言每承顧問多見聽納今皇上  
所與其圖治理者公卿大臣數輩諸命婦可不有以  
翼贊於內乎百姓安則國家安國家安則君臣同享  
富貴澤被子孫矣后作內訓二十篇又輯道釋家言

勸善書

足以感人者名曰勸善書崩年四十六太子漢王趙  
王皆后出○西燕侯宋晟卒子琥嗣○八月交趾蠻

簡定反定陳氏女官不肯出黎氏從官車下安南○  
有功後逃去其黨推為日南王改元興慶

九月張輔等遣都督柳升禮送黎季犛黎蒼等獻俘  
至京上御奉天門受之詔以季犛蒼及偽將相胡柱

等悉付獄赦其子澄孫芮命有司給衣食後釋季犛

蒼黎澄俱善用兵器後為軍官

冬十一月永樂大典成凡二萬二千九百卷一萬一

卷目大繁不及刊布而廢○魏國公徐輝祖卒年四十一曰中山

王不可無後輝祖長子釋迦保入見賜名欽令襲魏

永樂大  
典成



墓 逢乞守

國公爵遂乞守墓上怒謫居中都

戊子六年春三月張輔等振旅還京上交陟地圖東

西一千七百六十里南北二千八百里建設軍民大

小衙門共四百七十有二○秋七月論平交陟功進

封新城侯張輔為英國公西平侯沐晟為黔國公豐

城侯李彬雲陽伯陳旭各增祿五百石進封清遠伯

王友為清遠侯都督僉事柳升為安遠伯追封陣亡

都督僉事高士文為建平伯皆世襲擒黎季犛軍士

五人功首王柴胡陞指揮使其從李福等陞指揮僉

事先是交陟平上問夏原吉曰陞與賞孰便對曰賞

多陞不若重賞

費於一時有限陞費於日後無窮多陞不若重賞上

從之於是惟陞元功餘皆頒賚有差○瓦刺酋長馬

哈木等來朝貢詔封馬哈木為順寧王太平為賢長

王把秃孛羅為安樂王○于闐國入貢去肅州西南六千三百里

○渤泥國王率其妃及家屬陪臣來朝王尋卒命其子襲王遣官

護喪遼國○滿刺加國入貢封其王西利八兒速刺為滿

刺加國王其先未嘗通中國是時入貢有古里國蘇門答刺國柯葛刺國合

貓里國磔里國打回國日羅牙治國忽魯母恩國古

里班卒國甘抱里國麻林國婆羅國彭亨國都魯國

小葛蘭國須文達那國拂麻國柯支國麻喇國忽魯

謨斯國洽納樸兒國加異勒國溜山國阿哇國南巫

里國忽蘭丹丹國奇刺泥國夏刺北國窟察泥國烏涉

刺錫國阿丹國魯密國彭加那國捨刺國齊入可意

明建文帝紀



國坎巴彝替國左法兒國墨葛達國入峇黑商國日  
落岡按大明會典一統志載西洋諸國名目皆承樂  
中來朝貢上設四彝館選國子生蔣理等三十八人  
習譯書人月給米一石遇開科令就試仍譯所作文  
子合格出身置  
館於長安門 ○十二月沐晟率師與交阻賊館定

戰於生厥江敗績兵部尚書劉儁都督僉事

吐布政司叅政劉昱死之事聞上命英國公張輔充

總兵官清遠侯王友為副率師二十萬往征之







